



Broj:
Sarajevo, 20. VII 2004.

MEDIJIMA

Predmet: informacija

AGENCIJA ZA BANKARSTVO I URED ZA NADZOR DRUŠTAVA ZA OSIGURANJE
FBiH

Sporazum o saradnji nadzornih institucija

Direktori Agencije za bankarstvo FBiH i Ureda za nadzor društava za osiguranje u FBiH, Zlatko Barš i Branislav Bilić, potpisali su juče (19.VII 2004.) u federalnom Ministarstvu finansija, u prisustvu ministra Dragana Vrankića, Sporazum o saradnji i razmjeni informacija dvaju nadzornih institucija.

Sporazum je proizašao iz potrebe da se urede i unaprijede tržišni uslovi i odnosi u oblasti finansija u Federaciji BiH s ciljem jačanja povjerenja i razumijevanja u oblasti nadzora.

Saradnja obuhvata postupke i nadležnosti FBA i Ureda za nadzor koji će omogućiti direktnu ili indirektnu superviziju svih organizacionih dijelova i supsidijarnih lica banaka i osiguravajućih društava kako bi se uspostavljali i primjenjivali opreznosni standardi na konsolidovanoj osnovi za područja kao što su adekvatnost kapitala, ulaganja garancijskog kapitala, ulaganja matematičkih rezervi, velika izloženost riziku, ograničenja kod kreditiranja, sprečavanje pranja novca i finansiranja terorizma i druga pitanja vezana za osiguranje stabilnosti u finansijskom sektoru.

Prema potrebi, FBA i Ured za nadzor će organizovati zajedničke kontrole pojedinih banaka ili osiguravajućih društava kako bi smanjile rizike proizašle iz poslovnih odnosa banaka i osiguravajućih društava i obezbijedile dosljedno poštivanje zakonskih normi. Na taj način biće uspostavljen efikasniji način nadzora osiguranja kredita, poslovanja supsidijarnih lica, zajmova osiguranicima, kredita bankama i pravnim licima, povjeravanja depozita i ulaganja u banke u odnosu na matematičke rezerve itd.

Sporazum je stupio na snagu odmah.

Ured FBA za informisanje
Ibrahim Polimac